


GIMAA GAMIG MAAMPII ONTARIO

**GIIWASHKWESHINOWIN
NISIDWENJIGAADEG
NIKAAZIWIN**





**ROWAN'S
LAW**

**WAASAMO BIIWAABIKONSING-MAZINIGAANS:
10 MIINWAA NONDAAJ EPIITIZIJIG**


Ontario 

Wiidokaazang daminowinan miinwaa aanin bkaan nankiiwinan minwendaagwod miinwaa mino-izhi-ayaamaan. Dash awiigwa aangodinong apii daminowin gdaa wiisgishin. Agii gikendaan ana gnimaa gdaa wiisgisidon gwiinindib?




Wiisgisidowin gwiinindib bkaan aawan newen aanin wiisgishinowinan. Giishpin wiisgisidowin bikooganaan, gdaa waabmdaan abi miskowaag miinwaa baagisin. Dash wiigwaa wiisgisidowin gwiinindib, gaawii naagosino zaagjiwiing zaam biinji oshtigwaaning temgad!

Bezbig owi dnowaa wiinindib wiisgishinowin zhinkaade giiwashkweshinowin. Aabaji gindaasan awii gikendaman newen giiwashkweshinowinan miinwaa awaa zhichigewin giishpin nendaman ganimaa yaaman bezbig. Gwiinindib gichi piitendaagwod, dash gdo dowendaan awii naagodowendaman!



WEGNESH OWI GIIWASHKWESHINOWIN?

Owi giiwashkweshinowin zhiwebad owi gwiinindib bimaajibideg binjiwiing gdo oshtigwaaning. Gichi gagetin bitaak dibeshinan, okweganaang, maage gwiiyaw adaa miigwemigad giiwashkweshinowin. Dibishko gonaa, gda debinaan giiwashkweshinowin giishpin bikwaakwod wepidaagiyin gdo oshtigwaaning maage giishpin gagetin bangishinan michisag.



Owi giiwashkweshinowin aawan neniizaanag wiisgishinowin. Gegaa agwa kina bemaadizijig wewiib mino yaawog dash wiigwa aanin bemaadizijig ayaanaa-aa gichi gnesh znagziwinan dibishko gonaa minjimendamowin maage nikiiyaa eshayaawod.

AYAANGWAAMITON GWIININDIB: NANAGAASIJIGAADEG GIIWASHKWESHINOWINAN!


**Woshme gikendan newen giiwashkweshinowinan awii naadmigiwin
awii aabaji ayaangwaamiziwin.**

Miinwaa age:

- Gagwekwendan gdo daminowin nikaaziwinan weweni nishing, weweni minakaman miinwaa weweni biiskaman.
- Naagidon newen naaknigewinan gdo daminowin maage nankiiwin. Maanda age aawan bazindwad daminowin ekinomaaged maage ekinomaaged owi apii miingowin owaa naagidowin, dibishko gonaa zagakinaman gadinkaaziwinan gwaya wiibwaa bizagweshing.




- Gindan miinwaa dibaatan awaazhi naagadowin owi Giiwashkweshinowin Naagojigan Doodamowin owi gdo daminowin.
- Giishpin wiisgishinan miinwaa gagwek gdo zhayaasii, wawiingezin awii windamowad egitiziinged, daminowin ekinomaaged, ekinomaaged maage gwaya bkaan gechi piitizid e'waankiiwenimad aji naadmaaged.



AYAANGWAAMITON GWIININDIB: GIKENDAN NEWEN WAAMJIGEWINAN MIINWAA INAMJIWINAN OWI GIIWASHKWESHINOWIN!

▶ HIT. STOP. SIT.


Gwiinindib bamibideton e'nendaman, e'zhayaawin miinwaa ezhi bimaajiiwin. Amii dash, wiisgidowin gwiinindib gdaa madookdaagwan niibna agwa nikiyaa. Owa gikinawaajibii'igan waabmdowenan aanin e'waabmjigaadeg miinwaa inamjiwinan owi giwashkweshinowin.



AYAANGWAAMITON GWIININDIB:
GIKENDAN NEWEN WAABMJIGEWINAN MIINWAA
INAMJIWINAN OWI GIIWASHKWESHINOWIN!

GANIMAA AGE ZHAYAAMIBA:

- Dewikwe
- Giiwashkweyaabandam
- Zhashagagwewin maage zhayaawin awii zhashagagwewin.
- Biigizawinam
- Waaskonenjiganan maage medwewegin g'migoshkaadendamigwan.
- Midiwewesin gtoGANING
- Nabane izhisesii
- Ekwaaziwin
- "Gaawii gagwek zhayaasii"



INAMJIWIN:

- Nishkendam maage nishkaaji zhayaa
- Woshme maanaadendam e'gagweji nendang
- Goshko-ayaa maage migoshkaadendam

INENDAMOWIN ZNAGZIWIN:

- Giiwanaadendam
- Znagizi naagzowaamjiged
- Znagad awii makwendaman, dibishko agaa zhiwebak jibwaa wiisigishinan

NIBEWIN ZNAGZIWIN:


- Woshme nibaawin minik gagweji nibaawin
- Woshme ajina nibaawin minik gagweji nibaawin
- Zinagizi awii nibaad

AYAANGWAAMITON GWIININDIB:
GIKENDAN NEWEN WAABMJIGEWINAN MIINWAA
INAMJIWINAN OWI GIIWASHKWESHINOWIN!

Giishpin nendaman gwijikiwen, waadokwad maage waaji skoniwimad yaang bezhig maage woshme ninda inamijiwinan, wiindamo gechi piitizid e'penimandwad. Gaawii njike gdaa nigangosii giishpin nendaman yaaman giiwashkweshinowin.



AYAANGWAAMITON GWIININDIB: WEGNESH AGE ZHICHIGEWIN GIISHPIN NENDAMAN YAAMAN GIIWASHKWESHINOWIN.



Giishpin bezhig maage woshme yaaman inamjiwinan gdaa:

1. Boonitaa daminowin.
2. Wiindamo gechi piitizid, dibishko gonaa e-gitziinged, ekinomaaged maage daminowin ekinomaaged.
3. Zhaan awii ndakenimig mashkikiinini maage mashkikiikwe.
4. Niwebin miinwa noojiman.




ESHKAM MINO YAAWIN

Yaaman owi giwashkweshinowin, niwebiwin aawan ntam awaa zhichigewin eshkam awii mino yaawin. Aabdeg aga boonitaa zhichigewin gego ajina apiinish giishpin woshme maanaaji zhayaawin, dibishko gonaa mazinaatesigin daminowinan, iskoniwin, maage minik e'nikaaziyin giigido biiwaabikons maage babaamiwijigaadeg mazinaabikiwebiigan, daminowinan maage wiii-ewin mino-ayaawin gikinoo`amaagewin Aabdeg gwii yaan weweni minik nibewin.



Ani nojimoomigag gwiinindib, nanengaaj agwa ne-aab biskaabiin newen e'nankiiwin gikino amaadiwiigwaaming, wiidokaaziyin miinwaa daminowin. Ne-aab biskaabiiwin owi moshki nankiiwin gikino amaadiwiigwaaming aawan ntam gechi pitendaagwog zhichigewin awii mino vaawin. Ntam, aga zhichige e'wenpanag dibishko gonaa gindaasowin miinwaa bangii bibaamsewin.



Apii gshkitowin ninda dnowaan woshme bwaa maanaaji zhayaayin, gdaa ani giigishkaa owi miinwaa zhichigewin. Debnaag agwa MINO ZHAYAAWIN, gdo gitziimag, daminowin ekinomaagejig miinwaa ekinomaagejig aga naadmaagwog awii aankesidowin woshme nankiiwinan, dibishko gonaa bamibatowin, gwijikiwenig wiidokwadwaa, oshkoniwiwin miinwaa gagwejiwin gdo daminowin. Owi shkwaach awaa zhichigewin ada aawan wiidokaazyin daminowinan miinwaa maanenjigewinan.

Gdo mashkikiinini maage mashkikiikwe aga wiindamaag apii nishing aawang awii biskaabiiwin gdo nankiiwinan.



MIKOWAATAAGOZIWIN:

Wiingezing daminang aga naadmaagwan awii bwaa wiisigishinan dash awii aabijitaawin newen beshigendaman zhichigewinan! Giishpin nendaman ganimaa giiwashkweshinowin yaaman, makwendan:

1. **Boonitaan daminawin.**
2. **Wiindamo gechi piitizid.**
3. **Zhaan awii ndakenimig mashkikiinini maage mashkikiikwe.**
4. **Niwebin miinwaa noojiman.**





Rowan Stringer

ROWAN'S LAW

Maanda waasamo biiwaabig mazinigan aawan bezhig newen maziniginan owi Rowan's Law giiwashkweshinowin gikendamowin nikaaziwinan.

Rowan's Law agii zhinkaade owa onji Rowan Stringer, agaa aawid aanke gikino amaadiiwiigwaam bikwaakod e'daminad abi njibaad Ottawa.

Ngodin giizhigag, epiichi bikwaakod daminad waaji wiidokwaajin, Rowan agii debnaan giiwashkweshinowin. Gegaa agwa kina bemaadizijig wewiib mino yaawog shkwaa niwebiwaad miinwaa noojimowaad. Dash gaawii Rowan agii gikendziin ado wiinindib agii wiisgisidod miinwaa dowendang gmaaminig awii nojimaad. A'gitiziiman, ekinomaagijin miinwaa daminowin ekinomaagejig gaawii gewiinwaa agii gikendziinaa-aa. Dash, Rowan agii abaji damina bikwaakodakewin. Niizhing yaa-aabi agii wiisgishin. Rowan wiinindib agii gichi wiisigisin gaawii dash maamda awii mino ayaad.

Maanda nikaazowin gaawii nendaagosinon awii miigweng mshkikii giikmigewin owi gdo mino ayaawin naagdowenjigaadeg. Woshme gego awii gikendaman newen giiwashkweshinowin gagwejim mashkikiinini maage mashkikiikwe.